



Denominación do título	Máster Universitario en Informática Industrial e Robótica
Campus	Campus de Esteiro - Ferrol
Centro de adscrición	Escola Politécnica de Enxeñaría de Ferrol
Coordinador/a	Álvaro Michelena Grandío alvaro.michelena@udc.es 881013142
Universidades e outros organismos participantes	Interuniversitario. Participan as seguintes universidades: • Universidade da Coruña • Universidade de Extremadura • Universidade de La Laguna
Créditos	60 créditos - Modalidade presencial/online
Idiomas de impartición	Español
Páxina web	https://estudios.udc.es/gl/study/start/4538V01 https://udc.es/gl/epef/masteres

PRAZAS OFERTADAS PARA A UNIVERSIDADE DA CORUÑA

30 prazas:

- 20 prazas modalidade presencial
- 10 prazas modalidade online

De existir prazas vacantes nunha das modalidades, poderían cubrirse co estudantado da outra modalidade.

REQUISITOS DE ACCESO E ADMISIÓN

Requisitos xerais:

1. Persoas solicitantes con títulos universitarios de sistemas educativos do Espazo Europeo de Educación Superior (EEES):

- [Declaración responsable sobre cumprimento de requisitos e veracidade de copias achegadas.](#)
- DNI ou pasaporte, en vigor.



- Título que da acceso ao Máster ou certificación supletoria provisional ou documento equivalente (solicitud de expedición de título oficial).
- Certificación académica ou SET no que conste a nota media do expediente calculada segundo o RD 1125/2003 de 5 de setembro.
- As persoas solicitantes con títulos que non sexan do sistema universitario español, deben presentar ademais unha [declaración de equivalencia da nota media do expediente académico universitario realizado en centros estranxeiros](#)
- Os documentos expedidos nunha lingua diferente ao castelán deberán vir acompañados da súa [tradución oficial](#) ao castelán ou galego.
- As persoas solicitantes de países do EEES non membros da UE ou asinantes do acordo sobre o Espazo Económico Europeo deberán presentar a [documentación legalizada](#).

2. Persoas solicitantes con títulos universitarios de sistemas educativos alleos o EEES:

- [Declaración responsable sobre cumprimento de requisitos e veracidade de copias achegadas.](#)
- DNI o pasaporte, en vigor.
- Título que da acceso aos estudos de Máster debidamente [legalizado](#).
- Certificado expedido por unha autoridade competente que exprese que o título que posúe faculta, no país expedidor deste, para o acceso a ensinanzas de Máster ou de Posgrao.
- Certificación académica dos estudos realizados debidamente [legalizada](#), na que conste:
 - o A duración oficial en cursos académicos/semestres/etc.
 - o As materias cursadas.
 - o A carga lectiva de cada materia (horas ou créditos).
 - o A cualificación e a escala de cualificacións.
- [Declaración de equivalencia da nota media do expediente académico universitario realizado en centros estranxeiros](#)



- Os documentos expedidos nunha lingua diferente ao castelán deberán vir acompañados da súa [tradución oficial](#) ao castelán ou galego.

Requisitos específicos:

- Idioma: español
 - o Certificación: Requírese un nivel B1 de español acreditado cun certificado oficial, para os solicitantes estranxeiros con lingua diferente ao español ou portugués.

INFORMACIÓN COMPLEMENTARIA

Prioridade nas titulacións de acceso:

Aínda que non é indispensable posuír unha titulación específica para cursar o máster, considerarase prioritario estar en posesión dun Grao en: Enxeñaría Mecánica, Enxeñaría en Electrónica Industrial e Automática, Enxeñaría en Tecnoloxías Industriais, Enxeñaría Eléctrica, Enxeñaría da Enerxía, Enxeñaría de Tecnoloxías de Telecomunicación, Enxeñaría Aeroespacial, Intelixencia Artificial, Enxeñaría Informática, Robótica, Enxeñaría Naval e Oceanica, Ciencia e Enxeñaría de Datos, Matemáticas ou Física.

Criterios de baremación:

De cara á admisión no máster terase en conta a existencia dunha adecuación co perfil dos estudos de dito máster. En consecuencia, aplicarase un baremo para a admisión, en base aos seguintes aspectos:

- Titulación: A Comisión Académica valorará a adecuación da titulación, segundo á idoneidade da titulación de acceso en base ao perfil de ingreso definido, así como aos obxectivos e contidos do máster (0 – 4 puntos).
- Expediente académico (0 – 4 puntos).
- Experiencia profesional, de voluntariado, docente ou investigadora en actividades propias do ámbito do máster (0 – 1 punto).
- Formación complementaria e outros méritos (coñecemento de idiomas, estadías no estranxeiro, aportacións científicas ou outra formación) (0 – 1 punto).

A Comisión Académica do Máster será a encargada de puntuar as solicitudes recibidas en base aos criterios de baremación indicados.

Recoméndase para acceder aos estudos un nivel de competencias lingüísticas en inglés equivalente ao nivel B1 do MCERL (Marco Común Europeo de Referencia para as Linguas).



Diferente material, conferencias externas, etc., pode estar neste idioma, pero en todo caso **non é obrigatorio**.

Ofrece a posibilidade de obter unha **dobre titulación** co Instituto Politécnico de Bragança – Portugal

Requisitos xerais da documentación:

- Debe ser oficial e expedida polas autoridades competentes.
- Se a documentación está nun idioma distinto ao galego ou castelán deben acompañala da tradución oficial que deberá facela un/unha profesional da tradución xurada, español/a ou autorizado/a no país de orixe polo Consulado Español. Máis información [aquí](#).
- Non será necesaria a tradución oficial cando sexan redactados en lingua inglesa, francesa, portuguesa ou italiana, nestes casos é suficiente coa tradución realizada pola persoa interesada, se houber discrepancia, prevalecerá a tradución feita pola UDC.
 - o No suposto da documentación traducida deben presentar copias dos:
 - documentos orixinais sen traducir (sen o selo do tradutor)
 - documentos orixinais traducidos (co selo do tradutor)
- Todos os documentos serán copias compulsadas.
- Se na preinscrición presentan copias simples, ao efectuar a matrícula deben presentar os orixinais para a súa compulsa.
- A comisión do Máster pode solicitar máis documentación.

Legalización de documentos:

Os documentos académicos expedidos no estranxeiro (títulos e certificacións académicas) deben presentalos legalizados, pola vía diplomática, ou mediante a Apostila da Haia.

Para legalizalos por vía diplomática deben presentalos nos seguintes organismos:

- Ministerio de Educación do país onde se expediran os documentos.
- Ministerio de Asuntos Exteriores do país onde se expediran os documentos.
- Representación diplomática ou consular de España nese país.

Para legalizar os documentos expedidos por países asinantes do Convenio da Haia, haberá que presentalos no:

- Ministerio de Educación do país onde se expediran os documentos.
- Ministerio de Asuntos Exteriores ou ministerio correspondente do país onde se expediran los documentos.